

Мал шаруашылығы өнімінің өнімділігі мен сапасын арттыру мақсатында субсидиялау қағидаларын бекіту туралы

Күшін жойған

Қазақстан Республикасы Үкіметінің 2013 жылғы 25 қаңтардағы № 36 қаулысы.
Күші жойылды - Қазақстан Республикасы Үкіметінің 2014 жылғы 18 ақпандағы
№ 103 қаулысымен

Ескерту. Күші жойылды - ҚР Үкіметінің 18.02.2014 № 103 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

«Агроөнеркәсіптік кешенді және ауылдық аумақтарды дамытуды мемлекеттік реттеу туралы» 2005 жылғы 8 шілдедегі Қазақстан Республикасы Заңының 11-бабы 2-тармағының 4) тармақшасына сәйкес және отандық ауыл шаруашылығы тауарын өндірушілерде мал шаруашылығы өнімінің өнімділігі мен сапасын арттыру мақсатында Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Мал шаруашылығы өнімінің өнімділігі мен сапасын арттыру мақсатында субсидиялау қағидалары бекітілсін.
2. Осы қаулы алғашқы ресми жарияланғанынан кейін күнтізбелік он күн өткен соң қолданысқа енгізіледі.

<i>Премьер-Министрі</i>	<i>Қазақстан</i>	<i>Республикасының</i>
	<i>С. Ахметов</i>	
Қ а з а қ с т а н		Р е с п у б л и к а с ы
Ү к і м е т і н і ң		
2 0 1 3	ж ы л ғ ы	2 5
№ 3 6	қ а у л ы с ы м е н	қ а ң т а р д а ғ ы
бекітілген		

Мал шаруашылығы өнімінің өнімділігі мен сапасын арттыру мақсатында субсидиялау қағидалары

1. Жалпы ережелер

1. Осы мал шаруашылығы өнімінің өнімділігі мен сапасын арттыру мақсатында субсидиялау қағидалары (бұдан әрі – қағидалар) мал шаруашылығы өнімін өндіруді ұлғайту, оның сапасын және бәсекеге қабілеттілігін арттыру үшін отандық ауыл шаруашылығы тауарын өндірушілерді (бұдан әрі – тауар

өндірушілер) қолдау мақсатында тиісті жылға арналған республикалық бюджетте көзделген қаражат және іс-шаралар есебінен және шегінде бюджеттік субсидиялар (бұдан әрі – субсидиялар) беру тәртібін айқындайды.

Ескерту. 1-тармақ жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

2. Субсидиялауға жататын бағыттар:

1) сиыр етін, шошқа етін, бройлерлік құс еті мен күрке тауық етін (бұдан әрі – құс еті), жұмыртқалағыш кроссты тауық жұмыртқасын (бұдан әрі – тағамдық жұмыртқа) өндіру үшін пайдаланылатын құрама жемнің және (немесе) маңыздандырылған азықтың (бұдан әрі – маңыздандырылған азық) құнын ішінара (45%-ға дейін) арзандату, сондай-ақ сүт, биязы қой жүні (бұдан әрі – биязы жүн), қой еті, жылқы еті, қымыз және шұбат өндірісіне жұмсалатын шығындарды ішінара өтеу;

2) ірі қара малдың аналық басын (бұдан әрі – сиырларды) азықтандыру үшін пайдаланылатын шырынды және кесек азықтың (бұдан әрі – азықтың) құнын ішінара (50%-ға дейін) арзандату.

3. Субсидияланатын мал шаруашылығы өнімінің 1 (бір) килограммына, 1 (бір) данасына, сондай-ақ 1 (бір) бас сиырға арналған бюджеттік субсидиялардың нормативі осы Қағидаларға 1-қосымшаға сәйкес белгіленеді.

4. Әрбір бағытқа және өңірлер бөлінісіндегі субсидиялар көлемі ағымдағы қаржы жылына арналған республикалық бюджетте көзделген қаражат шегінде Қазақстан Республикасы Ауыл шаруашылығы министрінің бұйрығымен жыл сайын бекітіледі.

2. Субсидияларды төлеу шарттары

5. Тауар өндірушілердің субсидиялар алуы үшін міндетті және қажетті шарт осы Қағидаларға 2-қосымшада көрсетілген тиісті бағыттар бойынша өлшемдерге және талаптарға толық сәйкес келуі болып табылады.

6. Субсидиялар тауар өндірушілерге:

1) есептік нөмірлері бар сою алаңдарында (пункттерінде) және қайта өңдеу кәсіпорындарында (цехтарында) сатылған немесе өңделген сиыр еті, қой еті, жылқы еті, шошқа еті, сүт және биязы жүннің;

2) сатылған құс еті, тауарлық жұмыртқасы, қымыз және шұбаттың тек іс жүзіндегі көлеміне төленеді.

Ескерту. 6-тармақ жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

7. Субсидиялауға мыналар жатпайды:

1) тауар өндірушілер одан әрі қайта сату және (немесе) қайта өңдеу үшін басқа жеке және (немесе) заңды тұлғалардан сатып алған өнім;

2) тауар өндірушілер айырбас бойынша, өзара есеп айырысу есебіне сатқан немесе бұрын субсидияланған өнім;

3) жеке аулада сойылған сиыр еті, шошқа еті, қой еті, жылқы еті, сондай-ақ қайта өңдеу кәсіпорындарында бастапқы қайта өңдеуден өтпеген сүт;

4) жануарларды мәжбүрлі санитариялық сою нәтижесінде, сондай-ақ жіті жұқпалы аурулар бойынша карантиндік және шектеу іс-шараларының әрекет ету кезеңінде тауар өндірушілер алған өнім;

5) етті құс шаруашылығы өнімдері – аяқтары, бастары, сондай-ақ ішкі органдары;

б) жұмыртқа ұнтағын өндіру үшін сатылған және (немесе) берілген тағамдық жұмыртқа;

7) тауар өндірушілер кейіннен сою мақсатында бордақылауда тұрған сиырларды азықтандыру үшін пайдаланатын азық.

8. Тауар өндірушілердің жоғарыда көрсетілген шарттарды сақтамауы тиісті ауданның ауыл шаруашылығы бөлімінің (бұдан әрі – бөлім) төленген субсидияларды заңнамада белгіленген тәртіппен өндіріп алуына негіз болып табылады.

9. Субсидиялау бағдарламасына қатысушылар арасында субсидиялау көлемін айқындау бюджеттік бағдарламаны іске асыруға облысқа жеткізілген қаражат шеңберінде жүзеге асырылады.

Ескерту. 9-тармақ жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

10. Тауар өндірушілер өтінім берген субсидиялар көлемі осы айда бөлінген субсидия көлемінен асып түскен жағдайда, осы қағидаларға 2-қосымшада көрсетілген неғұрлым жоғары деңгей санатына жатқызылған тауар өндірушілердің өтінімдері басым тәртіппен қанағаттандырылады.

Бір санатқа жатқызылған тауар өндірушілер арасында қаражатты бөлу кезінде едәуір жоғары еңбек өнімділігін қамтамасыз ететін заманауи технология бойынша өнімді өндіруді жүзеге асыратын тауар өндірушілер басым тәртіппен субсидияланады. Құс етін субсидиялау кезінде балғын суытылған құс етіне басымдық беріледі.

Қаражат қалдығы берілген өтінімдерге тиесілі субсидия көлеміне сәйкес пропорционалды түрде бөлінеді. Тауар өндірушіге тиесілі субсидиялардың төленбеген қалдығы оған келесі айда (айларда) көзделген қаражаттан олар бар болған жағдайда төленеді.

Ескерту. 10-тармақ жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

3. Министрліктің және облыстар әкімдіктерінің жұмыс тәртібі

11. Қазақстан Республикасы Ауыл шаруашылығы министрлігі (бұдан әрі – Министрлік) бұйрықпен мынадай құжаттарды бекітеді:

- 1) субсидиялар алуға өтінімдер нысандары;
- 2) аудан/облыс бойынша мал шаруашылығы өнімін сату, сондай-ақ сиыр саны туралы жиынтық актінің нысаны;
- 3) облыстар бойынша қаражатты игеру және мал шаруашылығы өнімдерін сату көлемі жөніндегі есеп (ақпарат) нысаны.

12. Қазақстан Республикасының Ауыл шаруашылығы министрі және облыстар әкімдері жыл сайын 20 қаңтарға дейінгі мерзімде мал шаруашылығы өнімінің өнімділігін және сапасын арттыруға арналған облыстық жеке ай сайынғы қаржыландыру жоспары бар келісімге қол қояды.

Ескерту. 12-тармақ жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

13. Министрлік мал шаруашылығы өнімінің өнімділігін және сапасын арттыруға арналған ағымдағы нысаналы трансферттерді төлемдер бойынша жеке қаржыландыру жоспарына және облыс әкімі мен Қазақстан Республикасының Ауыл шаруашылығы министрі арасында қол қойылған ағымдағы нысаналы трансферттер бойынша нәтижелер туралы келісімге сәйкес облыстық бюджеттерге ай сайын аударды.

14. Облыс әкімі осы қағидалар ресми жарияланғаннан кейін он бес жұмыс күні ішінде өзінің шешімімен облыс әкімінің ауыл шаруашылығы мәселелері жөніндегі орынбасары төрағалық ететін, мал шаруашылығы өнімінің өнімділігін және сапасын арттыру мақсатында субсидиялау мәселелері жөніндегі облыстық комиссия (бұдан әрі – Комиссия) құрады.

Комиссия осы Қағидалардың қолданылуының барлық уақытында тұрақты негізде жұмыс істейді. Комиссия құрамына облыстың ауыл шаруашылығы басқармасының (бұдан әрі – Басқарма), Қазақстан Республикасы Ауыл шаруашылығы министрлігінің Агроөнеркәсіптік кешендегі мемлекеттік инспекция комитетінің және Ветеринариялық қадағалау және бақылау комитетінің аумақтық инспекцияларының мамандары, сондай-ақ бейінді қоғамдық ұйымдардың өкілдері кіреді. Комиссия мүшелерінің құрамы облыс әкімінің шешімімен өзгертілуі мүмкін. Комиссияның жұмыс органы басқарма

Ескерту. 14-тармаққа өзгеріс енгізілді - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

15. Комиссияның құзыретіне тауар өндірушілердің өтінімдері бойынша айлар бойынша, бағыттар басымдылығына сәйкес қаржыландыру жоспарында белгіленген лимиттері шегінде тиесілі бюджет ақшасының көлемін айқындау, тауар өндірушінің белгілі бір деңгейге сәйкестігін айқындау министрлік бекіткен нысан бойынша жиынтық актіні қалыптастыру және ақы төлеу шоттарының тізілімін келісу кіреді.

Ескерту. 15-тармақ жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

16. Комиссия отырыстары айына кемінде 1 рет жүзеге асырылады. Кезекті отырыста Комиссия бірінші кезекте бұрын мақұлданған, бірақ қаржыландырылмаған немесе ішінара қаржыландырылған басым бағыттағы өтінімдерді, кейіннен келесі айдың өтінімдерін қанағаттандырады.

17. Бөлінген қаражат толығымен игерілмеген жағдайда Министрлік заңнамада белгіленген тәртіппен бюджеттік бағдарламаны іске асыруға арналған республикалық бюджетте көзделген қаражат шегінде облыстар бойынша бюджеттік субсидияларды төлеуге арналған қаражатты қайта бөлу туралы Қазақстан Республикасының Үкіметіне ұсыныс енгізеді.

4. Тауар өндірушілердің субсидиялар алуға өтінімдерін қарау және қанағаттандыру тәртібі

18. Бөлім осы Қағидалар ресми жарияланғанынан кейін бес жұмыс күні ішінде субсидиялау бағдарламасына қатысуға арналған өтінімдер қабылдаудың басталғаны туралы хабарландыруды аудан әкімдігінің интернет-ресурсына және ауданның ресми баспа басылымдарында орналастырады.

19. Қазақстан Республикасының Ауыл шаруашылығы министрі мен облыс әкімінің арасында мал шаруашылығы өнімінің өнімділігін және сапасын арттыруға арналған мақсатында облыстың жеке ай сайынғы қаржыландыру жоспары бар келісімге қол қойылғаннан кейін жыл сайын бес жұмыс күнінен кешіктірілмейтін мерзімде бөлім оны аудан әкімдігінің интернет-ресурсына, басқарма – облыс әкімдігінің интернет-ресурсына орналастырады.

20. Тауар өндірушілер тиісті негіздер туындауына қарай бөлімге субсидиялауға жататын нақты көлемдерге министрлік бекіткен нысан бойынша өтінімдерді осы қағидалардың 32-35-тармақтарына сәйкес растау құжаттарының

толық пакетімен бірге ұсынады. Тауар өндірушілер өтінімде көрсетілген деректердің дұрыстығын қамтамасыз етеді.

Бұл ретте, құс фабрикалары бюджеттік субсидияларды алуға арналған өтінімдерін «Қазақстанның құс өсірушілер одағы» заңды тұлғалар бірлестігімен келіседі және одан кейін бөлімге ұсынады.

Ескерту. 20-тармаққа өзгеріс енгізілді - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

21. Бөлім тауар өндірушілердің өтінімдерін тиісті өтінімдер тіркеу журналында тіркейді.

22. Бөлім субсидиялар алуға негіздемелер пайда болған сәттен бастап үш айдан астам уақыт өткен өтініштерді қабылдауға міндетті.

23. Бөлім өтінімді алған сәттен бастап үш жұмыс күні ішінде құжаттар пакетін осы қағидаларға сәйкестігіне және тауар өндірушілердің осы қағидалардың 5-7-тармақтарында көрсетілген өлшем-шарттар мен талаптарға сәйкестігі мәнiне тексереді.

Бөлім көрсетілген мерзім ішінде мынадай жағдайларда:

- 1) жеке бағыт бойынша өтінімді алғаш рет бергенде;
- 2) өндіріс деңгейін арттырғанда;

3) жеке бағыт бойынша өтінім берілген көлемді өткен айдың өтінімінен жиырма пайыздан көп арттырғанда тауар өндірушінің қызмет ету орнына шығуды жүзеге асырады.

Толық емес құжаттар пакеті ұсынылған немесе өлшем-шарттар мен талаптарға сәйкес келмеген жағдайда бөлім қайтару себептерін көрсете отырып, тауар өндірушілерге ұсынылған құжаттарын тез арада қайтарады.

Тауар өндірушілер түзетілген немесе толықтырылған өтінімді қайта енгізуге құқылы.

Ескерту. 23-тармақ жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

24. Ұсынылған құжаттар осы Қағидалардың талаптарына сәйкес болған және осы Қағидаларда көзделген өтінімдерді қайтаруға негіздер болмаған жағдайда бөлім тауар өндірушінің өтінімде ұсынған деректерін екі жұмыс күні ішінде Қазақстан Республикасы Қаржы министрлігі Салық комитетінің ресми сайтындағы заңды тұлғалардың дерекқорын тексереді.

25. Бөлім тауар өндірушінің белгілі бір деңгейге сәйкестігін анықтайды және аудан әкімі бекітетін бюджеттік субсидия алушылардың жиынтық актісін жасайды. Бекітілген жиынтық акт басқармаға екі аптада кемінде бір рет өтінімдер болған жағдайда ұсынылады. Бөлім тауар өндірушінің өтінімін растау

құжаттарының көшірмелерімен бірге үш жыл ішінде сақтайды. Бөлім басқармаға ұсынылатын құжаттардың дұрыстығын қамтамасыз етеді.

Ескерту. 25-тармақ жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

26. Басқарма ауданның жиынтық актісін тиісті тіркеу журналында тіркейді. Басқарма үш жұмыс күні ішінде бөлімдер ұсынған жиынтық актілерді тауар өндірушілердің осы қағидалардың талаптарына сәйкестігі мәніне қарайды. Сәйкес келмеген жағдайда, басқарма ұсынылған жиынтық актілерді оларды тіркеген күннен бастап үш жұмыс күнінен кешіктірмей кері қайтару себептерін көрсете отырып, бөлімге пысықтауға қайтарады. Бөлім бес жұмыс күні ішінде басқармаға түзетілген және толықтырылған жиынтық актіні қайта енгізеді, ал ол мүмкін болмаған жағдайда – тез арада тауар өндірушіге қайтару себептерін көрсете отырып, өтінімді қайтарады.

Ескерту. 26-тармақ жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

27. Сәйкес келген жағдайда, басқарма көрсетілген мерзім ішінде аудандар бойынша жиынтық актілерді Комиссияның қарауына жібереді, ол отырыс қорытындысы бойынша министрлік бекіткен нысан бойынша субсидиялау бағдарламасына қатысушыларға тиесілі субсидиялар көлемін көрсете отырып, облыс бойынша жиынтық акті жасайды.

Ескерту. 27-тармақ жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

28. Комиссия төрағасы Комиссия ұсынған облыс бойынша жиынтық актіні үш жұмыс күні ішінде бекітеді.

Ескерту. 28-тармақ жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

29. Тиесілі бюджеттік субсидияларды тауар өндірушілердің банктік шоттарына аударуды басқарма төлемдер бойынша жеке қаржыландыру жоспарына сәйкес аумақтық қазынашылық бөлімшесіне екі данада ақы төлеу шоттарын қоса бере отырып, ақы төлеу шоттарының тізілімін ұсыну жолымен жүзеге асырады.

30. Басқарма ай сайын Комиссияның тауар өндірушілердің өтінімдерін қарау нәтижелері туралы ақпаратты облыс әкімдігінің интернет-ресурсындағы арнайы бөлімде жариялайды және бөлімге аудан бойынша тауар өндірушілерге төленген бюджет ақшасының көлемі туралы ақпарат жібереді.

Ескерту. 30-тармақ жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

31. Басқарма ай сайын, есеп беру айынан кейінгі айдың 5-күніне дейінгі мерзімде, бірақ 20 желтоқсаннан кешіктірмей министрлікке облыс бойынша бюджеттік субсидияларды игеру бойынша есебін, тоқсан сайын – министрлік бекіткен нысан бойынша облыс бойынша субсидиялар төлеу бойынша тоқсандық е с е п т і ұ с ы н а д ы .

Ескерту. 31-тармақ жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

5. Субсидиялар алу үшін қажетті құжаттардың тізбесі

32. Тауар өндірушілер бөлімге осы Қағидалардың 2-тармағында көрсетілген бағыттарға сәйкес субсидиялауға жататын нақты көлемдерге өтінімдер ұсынады.

33. Тауар өндірушілер іс жүзінде өткізілген өнім үшін субсидиялар алу үшін өтінімдермен бірге бөлімге мынадай құжаттарды ұсынады:

1) өнімді сатқанын және сатып алушының өнімді 100% төлегенін растайтын қ ұ ж а т т а р ;

2) сиыр етін сатқан кезде Қазақстан Республикасының ауыл шаруашылығы жануарларын бірдейлендіру дерек қорынан сатылған немесе сойылған малдардың тіркеуден шығарылғаны туралы үзінді көшірме;

3) тауар өндірушіге тиесілі емес кәсіпорындар қызметтерін пайдаланған кезде малдарды сою және бастапқы қайта өңдеу бойынша көрсетілген қызметтерді растайтын құжаттардың көшірмелері (шарт, шот–фактура, төлем құжаты);

4) өнімді сатуға арналған тауар-көліктік жүк құжаттар тізілімі, өнімді жеке меншік қайта өңдеу кәсіпорындарына немесе өңдеуге берген жағдайда өнімнің жү к құ ж а т кө ш і р м е л е р і .

Ескерту. 33-тармаққа өзгеріс енгізілді - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

34. Тауар өндірушілер азық құнын арзандатуға бюджеттік субсидиялар алу ү ш і н б ө л і м г е :

1) селекциялық және асыл тұқымды жұмыстың бірыңғай ақпараттық базасынан ү з і н д і кө ш і р м е н і ;

2) заңды тұлғалар нысанындағы тауар өндірушілер үшін 24 а.ш. статистикалық есептілік нысанынан – есеп көшірмесін немесе үзінді көшірмені, ал шаруа (фермерлік) қожалықтары үшін – сиыр басы санын растау үшін

шаруашылық кітабынан үзінді көшірме ұсынады.

35. Тауар өндіруші банктен банк шотының болуы туралы анықтаманы қосымша қоса береді.

Мал шаруашылығы өнімінің өнімділігі мен сапасын арттыру мақсатында субсидиялау қағидаларына 1-қосымша

1. Бюджеттік субсидиялар нормативтері

Ескерту. 1-қосымша жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

№ р/с	Өнімнің түрі	Өз өндірісінен өткізілген өнімінің 1 килограммына, 1 данасына берілетін бюджеттік субсидиялар нормативі, теңге
1.	Сиыр еті – I деңгей	220
2.	Сиыр еті – II деңгей	170
3.	Сиыр еті – III деңгей	120
4.	Қой еті	100
5.	Жылқы еті	92
6.	Шошқа еті – I деңгей	98
7.	Шошқа еті – II деңгей	60
8.	Құс еті – I деңгей	70
9.	Құс еті – II деңгей	66
10.	Құс еті – III деңгей	50
11.	Күрке тауық еті	105
12.	Жұмыртқа – I деңгей	3
13.	Жұмыртқа – II деңгей	2,6
14.	Жұмыртқа – III деңгей	2
15.	Сүт – I деңгей	25
16.	Сүт – II деңгей	15
17.	Сүт – III деңгей	10
18.	Қымыз	60
19.	Шұбат	55
20.	Жүн (биязы)	130

2. Шырынды және кесек азықтың құнын арзандатуға арналған бюджеттік субсидиялар нормативі

--	--	--

№ р/с	Түрі	Сыырдың 1 басына бюджеттік субсидиялар нормативі, теңге
21.	Ірі қара мал	4 500

М а л ш а р у а ш ы л ы ғы ө н і м і н і ң
ө н і м д і л і г і м е н с а п а с ы н
а р т т ы р у м а қ с а т ы н д а
с у б с и д и я л а у қ а ғ и д а л а р ы н а
 2-қосымша

Мал шаруашылығы өнімін өндірумен айналысатын тауар өндірушілерге қойылатын өлшемдер мен талаптар

Ескерту. 2-қосымша жаңа редакцияда - ҚР Үкіметінің 14.09.2013 № 957 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).

1	Сыыр егін өндірумен айналысатын тауар өндірушілерге:		
№	(1-деңгей)	(2-деңгей)	(3-деңгей)
1.	Бір мезгілде кемінде 3 000 бас ірі қара малды бордақылайтын қуаты бар және инфрақұрылымы дамыған мамандандырылған алаңның болуы: малды күтіп-бағуға арналған қоралар; науалар; науа алдындағы бетон жиек; сумен жабдықтау көздерінің болуы және автоматтандырылған суару көзімен қамтамасыз етілуі; нәжіс массасы мен қар суын шығарып тастауға арналған мүйісі бар дренаждық жүйе; жемшөп дайындау және жемшөп тарату техникасының/ жабдығының, сондай-ақ жемшөп сақтау қоймасының болуы; бекіткіші бар жіктегіштің, таразы құрылғысының болуы; ветеринариялық пункттің болуы.	Бір мезгілде кемінде 1 500 бас ірі қара малды бордақылайтын қуаты бар және инфрақұрылымы дамыған мамандандырылған алаңның болуы: малды күтіп-бағуға арналған қоралар; науалар; науа алдындағы бетон жиек; сумен жабдықтау көздерінің болуы және автоматтандырылған суару көзімен қамтамасыз етілуі; нәжіс массасы мен қар суын шығарып тастауға арналған мүйісі бар дренаждық жүйе; жемшөп дайындау және жемшөп тарату техникасының/ жабдығының, сондай-ақ азық сақтау қоймасының болуы;	Бордақыланған ірі қара малдың соңғы 12 айда өткізілген саны кемінде 400 басты құрады. Ірі қара малды бордақылауға арналған мамандандырылған үй-жайдың немесе алаңдардың болуы: малды күтіп-бағуға арналған қоралар; науалар; сумен қамтамасыз ету; жемшөп дайындау техникасы;

		бекіткіші бар жіктегіштің және т а р а з ы құрылғысының б о л у ы ; ветеринариялық пунктің болуы.	мал үшін жіктегіш және таразы құрылғысы;
2.	Бұқашықтардың (союға өткізілетін) тірідей/сойыс салмағы кем емес:		
	450/235 кг*	420/220 кг*	400/210 кг*
3.	Әр бұқашықты бордақылау мерзімі кем емес:		
	оңтүстік өңірлер үшін 45 күн	солтүстік, шығыс, батыс және орталық өңірлер үшін 90 күн	
4.	Ветеринариялық іс-шараларды ұйымдастыру және жүзеге асыру		
5.	Бордақыланатын мал басын Қазақстан Республикасының бірыңғай сәйкестендірілген деректер базасында тіркеу		
2	Қой етін өндірумен айналысатын тауар өндірушілерге:		
1.	Ағымдағы жылғы 1 қаңтарға қойдың аналық басының (екі жастан ересек) 600-ден кем емес болуы		
2.	Қойды күтіп-бағуға арналған үй-жайлардың болуы		
3.	Қойдың (союға өткізілетін) тірідей салмағы 42 кг кем емес* болуы тиіс		
4.	Ветеринариялық іс-шараларды ұйымдастыру және жүзеге асыру		
3	Жылқы етін өндірумен айналысатын тауар өндірушілерге:		
1.	Ағымдағы жылғы 1 қаңтарға жылқының аналық басының (үш жастан ересек) 75 бастан кем емес болуы		
2.	Жылқының (союға өткізілетін) тірідей салмағы 350 кг кем емес болуы тиіс		
3.	Ветеринариялық іс-шараларды ұйымдастыру және жүзеге асыру		
4.	Шошқа етін өндірумен айналысатын тауар өндірушілерге:		
	(1-деңгей)	(2-деңгей)	
1.	Бір мезгілде бордақылауда 3000 бастан кем емес бастың болуы	Бір мезгілде бордақылауда 1000 бастан кем емес бастың болуы	
2.	М ы н а л а р д ы ң : шошқа басының (мал басын толықтыратын төл және аналық мегежін); өндіріс алаңдарын автоматтандырудың (жемшөп тарату, суару және микроклимат ж е л і с і) ; мал соятын цехының; құрама жем цехының; таразы құрылғысының болуы.	М ы н а л а р д ы ң : мал соятын пунктiнiң (цехының); таразы құрылғысының болуы.	
3.	Шошқаның тірідей салмағы (союға өткізілетін) 100 кг кем емес*		
4.	Ветеринариялық іс-шараларды ұйымдастыру және жүзеге асыру		
5.	Құс етін өндіретін тауар өндірушілерге:		
	(1-деңгей)	(2-деңгей)	(3-деңгей)
1.	2007 жылдан бастап пайдалануға берілген жаңа құс фабрикасы		

	немесе негізгі жабдығы бойынша жаңартудан өткен жұмыс істеп тұрған құс фабрикасы.		
2.	Өндірістің жылдық көлемі кем емес:		
	15 000 тоннадан	8000 тоннадан	1 500 тоннадан
3.	Жыл бойы құстарды технологиялық жағдайда күтіп-бағу, торда немесе еденде күтіп-бағу үшін технологиялық жабдықтың болуы.		
4.	Аталған сертификаттардың (ИСО, «Экологиялық өнім» белгісі, ХАССП азық-түлік қауіпсіздік жүйесі) бірінің болуы		
5.	Құс сою желісінің болуы (сою цехы)		
6.	Ветеринариялық іс-шараларды ұйымдастыру және жүзеге асыру		
6.	Күрке тауық етін өндіретін тауар өндірушілерге:		
1.	2007 жылдан бастап пайдалануға берілген жаңа құс фабрикасы және/немесе негізгі жабдықтары бойынша жаңартудан өткен жұмыс істеп тұрған құс фабрикасы.		
2.	Өндірістің жылдық көлемі 3 000 тоннадан кем емес		
3.	Жыл бойы құстарды технологиялық жағдайда күтіп-бағу, торда немесе еденде күтіп-бағу үшін технологиялық жабдықтың болуы		
4.	Аталған сертификаттардың (ИСО, «Экологиялық өнім» белгісі, ХАССП азық-түлік қауіпсіздік жүйесі) бірінің болуы		
5.	Құс сою желісі (сою цехы)		
6.	Ветеринариялық іс-шараларды ұйымдастыру және жүзеге асыру		
7.	Тауарлық жұмыртқа өндіретін тауар өндірушілерге:		
	(1-деңгей)	(2-деңгей)	(3-деңгей)
1.	2007 жылдан бастап пайдалануға берілген құс фабрикасы және/немесе негізгі жабдық бойынша жаңартудан өткен жұмыс істеп тұрған құс фабрикасы		
2.	Жұмыртқаны сұрыптауға, белгілеуге және салуға арналған автоматты машинаның болуы		
3.	Тауарлық жұмыртқа өндірісінің көлемі жылына кем емес:		
	100 млн. данадан	40 млн. данадан	20 млн. данадан
4.	Жыл бойы құстарды технологиялық жағдайда күтіп-бағу, торда немесе еденде күтіп-бағу үшін технологиялық жабдықтың болуы.		
5.	Аталған сертификаттардың (ИСО, «Экологиялық өнім» белгісі, ХАССП азық-түлік қауіпсіздік жүйесі) бірінің болуы		
6.	Ветеринариялық іс-шараларды ұйымдастыру және жүзеге асыру		
8.	Сүт өндірісімен айналысатын тауар өндірушілерге:		
	(1-деңгей)	(2-деңгей)	(3-деңгей)
1.	Ағымдағы жылғы 1 қаңтарға сиыр мен қашарлардың меншікті аналық басының (2 жастан ересек) болуы:		
	400 бастан кем емес	400 бастан кем емес	100 бастан кем емес
2.	Сауын сиырлар мен құнажындардың орташа жылдық саны (алдыңғы жылдың қорытындысы):		

	350 бастан кем емес	240 бастан кем емес	60 бастан кем емес
3.	Табын бойынша орташа сауым (алдыңғы жылдың қорытындысы):		
	4500 кг кем емес**	3250 кг кем емес	2500 кг кем емес
4.	Тиісті инфрақұрылымы бар қазіргі заманғы сүт кешенінің (механикаландырылған сауу, көң шығару және жемшөп тарату, автосуару және жемшөп цехы) болуы	Машиналы сауудың болуы	
5.	Ветеринариялық іс-шараларды ұйымдастыру және жүзеге асыру		
6.	Малдардың бірдейлендіру нөмірлерінің және Қазақстан Республикасының бірыңғай сәйкестендіру деректер базасында тіркеудің болуы		
9.	Қымызды өндірумен айналысатын тауар өндірушілерге:		
1.	Ағымдағы жылғы 1 қаңтарға жылқының аналық басының (үш жастан ересек) 35 бастан кем емес болуы		
2.	Сауын биенің орташа жылдық басы 20 бастан кем емес		
3.	Қымыз өндіретін цехтың (қымыз жинау және (немесе) өндіру бойынша үй-жай, сыйымдылық) немесе цехқа жеткізу шартының болуы		
4.	Ветеринариялық іс-шараларды ұйымдастыру және жүзеге асыру		
10.	Шұбат өндірумен айналысатын тауар өндірушілерге:		
1.	Ағымдағы жылғы 1 қаңтарға түйенің аналық басының (үш жастан ересек) 30 бастан кем емес болуы		
2.	Сауын інгендердің орташа жылдық басы 15 бастан кем емес		
3.	Шұбат өндіретін цехтың (шұбат жинау және (немесе) өндіру бойынша үй-жай, сыйымдылық) немесе цехқа өткізу шартының болуы		
4.	Ветеринариялық іс-шараларды ұйымдастыру және жүзеге асыру		
11.	Биязы жүнді өндірумен айналысатын тауар өндірушілерге:		
1.	Ағымдағы жылғы 1 қаңтарға қойдың аналық басының (екі жастан ересек) 600 бастан кем емес болуы		
2.	Қойларды күтіп-бағуға, сондай-ақ қырқуға арналған үй-жайлардың болуы		
3.	Қырқылған жүннің физикалық салмағы (алдыңғы жылдың қорытындысы) 3,2 кг кем емес		
4.	Жүннің сапасы 60-64 сападан кем емес ****		
5.	Биязы жүнді бастапқы қайта өңдейтін кәсіпорындарына биязы жүнді өткізу		
6.	Ветеринариялық іс-шараларды ұйымдастыру және жүзеге асыру		
12.	Шырынды және кесек азықты субсидиялау үшін мал шаруашылығымен айналысатын тауар өндірушілерге:		
1.	Ағымдағы жылғы 1 қаңтардағы жай-күйі 30 бастан кем емес аналық мал басының болуы		
2.	Мал азығы дақылдарының және (немесе) шабындық (шабылатын) алқаптың және (немесе) мал азығын сатып алу шартының болуы		
3.	Ветеринариялық іс-шараларды ұйымдастыру және жүргізу		
4.	Малдың бірдейлендіру нөмірінің және зоотехникалық оқиғаларды енгізе отырып, селекциялық және асылдандыру жұмыстарының ақпараттық базасында тіркеудің болуы		

Е с к е р т п е :

* Малдың (союға өткізілетін) тірідей/сойыс салмағы тауар өндіруші (малды сою жөніндегі) қызметтерін пайдаланған, есептік алу нөмірі (коды) бар мал

шаруашылығы өнімі сатылған қайта өңдеу кәсіпорны немесе есептік нөмірі (коды) бар сою цехы берген анықтамамен расталуы тиіс.

** Талаптар өткен жылдан бастап пайдалануға берілген, тиісті инфрақұрылымы бар қазіргі заманғы сүт кешендеріне таратылмайды.

*** Сүт өндірісімен айналысатын тауар өндірушілер селекциялық және асылдандыру жұмыстарының бірыңғай ақпараттық базасына тіркелуі тиіс.

**** Жүннің сапасы жүн сапасын бағалау жөніндегі зертхана берген анықтамамен расталады.